

DALC'HOMP D'HOR FEIZ!

DISKAN

*Da Feiz hon tadou koz, ni Paotred Breiz-Izel,
Ni 'zal'ho mat ato ;
'Vit Feiz hon tadou koz hag en-dro d'he banniel
Ni holl en em stardo.
Feiz karet hon tadou, morse ni n'ho nac'ho,
Kentoc'h ni a varvo! (3 gwech)*

D'ar c'hrouadur bihan, e kichenik e gavell,
E lakit eur vamm vat, en deiz evel en noz ;
Er boan hag en anken, buan hi a daol eur zell
War groaz santel Jezuz... he zonzj er baradoz.

D'ar paotr, d'ar plac'h yaouank, c'houi 'ziskouezhent
[ar furnez ;
C'houi 'lavar : « It gantan, hep krena dirak den.
Yaouankiz Breiz-Izel, bezit, epad ho puhez,
Ato gwir gristenien, ha treitourien biken. »

D'an den koz gwen e benn, e korn an tan azezet,
O skuilh daelou a geuz war e amzer genta,
C'houi 'lar : « Bezit dinec'h, er baradoz 'vo kavet
Eürusted peurbadus goude poan ar bed-ma. »

D'an den diwar ar menez, kerkouls ha d'an den a vor,
C'houi a ro nerz-kalon da stourm er boan ato.
Gouzout a reont en nenv e kavint holl dor zigor ;
Ar vuhez 'vo bet tenn ; d'an drubuilh kenavo !!

IMPRIMATUR :

Kemper, 27 Gouere 1935

P. JONCOUR, vikel vras

Imprimerie Moderne - Landivisiau

8N2-2-035

Locmélar

KANTIK SANT MELAR

DISKAN

*Kanomp, kanomp a greiz kalon
Kantik Sant Melar hor patron :
'Vit ar barrez eo eun dudi
Dont da embann e veuleudi.*

Gant Sant Millio hag e bried
E doujans Doue 'oe savet ;
Kerkent ha seiz vloaz ar bugel
A oa karet dre Vreiz-Izel.

Ar prins Rivod, breur digalon,
A laz Millio 'vit kaout e dron ;
Met kaer 'n eus beza ar c'hrenva,
E niz a ra d'ezan krena.

Ken na zav e penn an den kriz
Dre eun torfed diskar e niz :
Ne skoer ket 'vit e laza,
Eur poezon en do da lonka.

Melarig a zo diwallet
Dre nerz-sin ar groaz venniget.
Prins dre zindan, eneb Doue
Dic'halloud krenn eo eur roue !

Koulskoude tan ar warizi
'Lak kalon Rivod da virvi,
Hag e klask adarre lemmel
E vuez digant ar bugel.

Met digantan e vourrevien
A zilamm daou ezel hepken
En envor d'ar prins mat Millio
A oa ken karet dre ar vro.

Mont war varc'h Melar n'hello ket
E penn arme ar Vretoned,
Hage e zorn morse ne zougo
Gwalenn-roue e dad Millio.



Setu petra 'zonj ar muntre,
Mac'hagnet gantan ar merzer.
Dre vuzud avat Doue 'ro
D'ar Zant e zaou ezel en dro.

Ar bourreo kriz, p'en deus gouezet
An eil burzud 'zo c'hoarvezet,
A dou (tra spontus da glevet)
'Renk e niz beza dibennet.

An taol 'vo grêt evit arc'hant
Gand an didruez Kioltan
A heuilh ar bugel kalonek
Betek kouent Landevenneg.

E kreiz an noz eus ar gouent
Melar 'ya adarre en hent
Ha dre Geraez e tremen
'N eur dec'het warzu Koadeuen.

Penaos e tigorit ho tor
D'an drubarded, o kont Komor,
D'an drubarded a zeu hep mar
Da glask buez ho niz Melar?

Diwallit na ve touellet
Ar bugel dre gomzou flouret
Gant tud digalon ha divez.
Ne glaskont 'met kaout e vuez!

Ar prins yaouank, eun ha leal,
O c'hred re vuan didamall,
Ha d'o heul a ya da repoz
'Vit dihuna er baradoz.

'Velse d'an oad a bemzek vloaz,
Dibennet Melar a varvas,
Mervel 'reas hep difennour
Dindan taoliou daou goz treitour.

O welet eur maro ken kriz,
Lanneuriz ha Lokmelariz,
Penaos ne domme hor c'halon
A garantez 'vit hor Patron?

Kioltan hag e vab Justin
A dec'h affo 'raog ar mintin,
'Vit kaout ar priz eo bet gwerzet
Gwad ar Merzer o deus lazet.

Doue avat a sko d'e dro :
Justin er porz a gouez maro ;
Kioltan buan 'zo tec'het
Sonj kaout e vad eus e dorfed.

Siouaz ! ne dec'her pell morse
Araok brec'h galloudus Doue.
Kioltan a goll ar gweled
Ha dirak Doue 'zo galvet.

Rivod e-unan hep dale
A rento kont eus e vuhe :
Tri dreiz goude e genseurted
Gant dorn Doue ez eo skoet.

Sant Melar, eus barr an nenvou,
C'houi 'glev breman hor pedennou :
Selaouit 'ta ouz hor goulenn,
Hon diwallit a bep terzienn !

Dreist-holl terzien ar gwall dechou
A goll kement a eneoù :
Lorc'h, pizder, luksur, gwarizi,
Mezventi, kounnar, diegi.

Karget oc'h ouzomp, Sant Patron,
Kreskit bepred hon nerz-kalon,
Ma valeimp war ho roudou
Gand an hent a gas d'an nenvou.

Ni 'vev en eun amzer diroll,
Buan awalc'h 'yafemp da goll :
Pedit evidomp, Sant Melar,
Epad ma vimp war an douar.

Ha pa vimp ét d'ar baradoz,
Da ziskuiza 'touez hon tud koz,
Ni a gano gant levenez
D'eoc'h ha da Zoue trugarez!

IMPRIMATUR :
Corisopiti, 31 Augusti 1907
A. GADON, v. g.